

XXI.

Constructio Manometri densitatem aëris quovis tempore accurate monstrantis.

§ 1. Cum omnia corpora in aëre tantum de suo pondere vero amittant, quantum est pondus sub eodem volumine contenti, hinc tutissimus modus suppeditatur, aëris densitatem in quovis statu explorandi, propterea quod aëris densitas semper proportionalis est ponderi, quod certum volumen esset habiturum, ideoque nil aliud requiritur, nisi ut idoneum instrumentum paretur, quod quovis tempore diminutionem ponderis, quam, corpus quodpiam fixum patiat, monstret, quod quomodo commodissime institui queat hic accuratius perpendemus.

§ 2. Hunc in finem eligatur quodpiam corpus, cujus indolem deinceps exactius describemus, cujus volumen sit $= A$, qua littera simul indicetur pondus aequalis voluminis aquae, et quia ipsius quae plures dantur species, quae pro diverso caloris gradu magis minusve extenduntur aut contrahuntur ad nostrum institutum sufficit, ut certa aquae species pro determinato caloris gradu eligatur, cujus ergo pondus sub volumine A contentum accurate definiatur. Eodem autem tempore pondus ipsius corporis sub volumine A contenti mensuremus, quod sit $= \alpha A$, ita ut sit ad pondus aequalis voluminis aquae, ut α ad 1. Pro eodem autem tempore accurate definiatur pondus aequalis voluminis aëris, quod sit $= \delta A$, ita ut hoc tempore densitas aëris se habeat ad densitatem nostrae fixae, ut δ ad 1, quae investigatio ope antliae pneumaticae commodissime fieri potest.

§ 3. Cum igitur αA denotet verum pondus corporis in hunc finem electi, ejus pondus observatum scilicet ob aëris densitatem diminutum erit $(\alpha - \delta) A$, quod cum a bilance ostendatur, sit levitatis gratia $= P$. Primo autem hic assumamus volumen corporis nostri A perpetuo idem manere neque a diverso caloris gradu ullam mutationem subire; deinceps enim facile erit, etiam huius mutationis rationem in calculo habere. Hic tantum notasse sufficiat, quamcunque mutationem volumen A patiat litteram α similem mutationem inverso modo pati debere, ita ut quantitas αA primo eundem valorem conservet.

§ 4. Ponamus nunc alio quovis tempore densitatem aëris esse $= \delta + \varphi$, ubi quidem densitas vel positiva vel negativa esse potest, et nunc pondus corporis nostri bilance indicatur $(\alpha - \delta - \varphi)A$, quod cum a bilance indicetur, sit $= P - p$; quare cum sit $P = (\alpha - \delta - \varphi)p = \varphi A$, unde ergo fit

$$\varphi = \frac{p}{A} \text{ et cum sit } A = \frac{P}{\alpha - \delta} \text{ erit } \varphi = \frac{p(\alpha - \delta)}{P}$$

hincque ipsa aëris densitas pro hoc tempore erit:

$$\delta + \varphi = \delta + \frac{p(\alpha - \delta)}{P}$$

§ 5. Quo nunc minimae aëris mutationes observari queant necesse est, ut pro quovis valore quantitas p ad P adhuc notabilem teneat rationem, quam scilicet bilanz optimae notabilem valeat. Cum igitur sit $\frac{p}{P} = \frac{\varphi}{\alpha - \delta}$, hinc statim patet, hoc eo meliori successu obtineri posse, si minor fuerit littera α , hoc est, quo levius fuerit corpus ad has observationes electum.

§ 6. Quo haec clarius perspiciantur casum consideremus, quo volumen A pedi cubico aquae ideoque P circiter 64 libr. Deinde sit pro statu aëris fixo:

$$\delta = \frac{1}{800} \text{ et } \delta + \varphi = \frac{1}{700},$$

ita ut densitas aëris satis insigne incrementum acceperit, quod quanto pondere p a bilance videamus. Cum igitur sit:

$$\frac{p}{P} = \frac{\varphi}{\alpha - \delta}, \text{ ob } \varphi = \frac{1}{5600} \text{ erit } \frac{p}{P} = \frac{1}{5600\alpha - 7}.$$

Quare si corpus cum aqua esset aequae grave, ideoque $\alpha = 1$, foret $\frac{p}{P} = \frac{1}{5593}$, qualem partem optima bilanz aegre esset indicatura, neque ergo hinc minores mutationes in densitate agnoscere liceret. Sin autem nostrum corpus decies esset levius quam aequale volumen aquae,

$$\alpha = \frac{1}{10} \text{ foret } \frac{p}{P} = \frac{1}{553},$$

cujusmodi particulam bona bilanz indicare satis distincte poterit. Interim tamen ut etiam minores mutationes indicari queant, sine dubio optima bilance opus erit. Imprimis igitur ad hunc modi experimenta requiritur, ut corpus levissima materia constans eligatur.

§ 7. Ad hunc igitur usum aptissime adhibebitur globus vitreus cavus tam exiguae quantitas quantum ejus firmitas permittit; praecipue enim necesse est, ut iste globus perpetuo eandem densitatem materiae includat, unde ipsi aëri, cujus densitatem explorare volumus, penitus impermissum debet, ita ut neque aër inclusus usquam erumpere neque externus irrumpere queat, unde consultum foret omnem aërem ex hoc globo exhaurire, uti alii docuerunt, quia cum tempore aër externus ingressum esset inventurus. Optima igitur ratio erit hunc globum aëre naturaliter relinquere.

§ 8. Videamus etiam, quantopere exigua mutatio voluminis A , a diversis gradibus caloris

iones turbare valeat. Hunc infinem sumamus volumen A suo differentiali dA augeri et sit quantitas constans, ob $P = (\alpha - \delta) A$ erit $dP = -\delta \cdot dA$; unde si esset

$$dA = \frac{1}{1000} A, \text{ foret } dP = \frac{-A}{800000} = \frac{-P}{(\alpha - \delta) 800000} = \frac{-P}{79000},$$

$\delta = \frac{1}{800}$ et $\alpha = \frac{1}{10}$, uti supra assumimus; hincque porro erit:

$$\varphi = \frac{p(\alpha - \delta)}{P + dP} = \frac{p(\alpha - \delta)}{P} \left(1 - \frac{dP}{P}\right); \text{ quare, ob } \frac{dP}{P} = \frac{1}{80000} \text{ proxime,}$$

ipsius φ tantus error committeretur, qui autem tam est parvus, ut etiam optimam bilancem semper tuto negligi queat, unde exigua mutatio in volumine A ob calorem oriunda prorsus permescenda videtur.

9. Perpendamus nunc ad quantum praeisionis gradum Manometrum evehi debeat, ut satis mutationes in aëris densitate ostendat, et cum posito:

$$\delta = \frac{1}{800} \text{ et } \delta + \varphi = \frac{1}{700}, \text{ unde fit } \varphi = \frac{1}{5600},$$

discrimen sit ingens, merito postulari potest, ut Manometrum mutationes saltem decies minores satis distincte monstret, ad quod ergo requiritur, ut pro valore $\varphi = \frac{1}{56000}$ instrumentum sensibilem differentiam manifestet.

10. Cum igitur invenerimus

$$\varphi = \frac{p(\alpha - \delta)}{P} \text{ hinc fit } \frac{p}{P} = \frac{1}{56000(\alpha - \delta)};$$

fibra ita debet esse comparata, ut si p fuerit minima pars totius ponderis P , ea circiter isti valore aequetur, vel saltem eo non fit major. Ex quo statim intelligitur, si esset $\alpha = 1$, sive pondus globi gravitati aquae esset aequale nullam certe bilancem tam accuratam construi posse, ut tam exigua particula totius ponderis adhuc sensibile praepondium producere valeat, unde absolute necesse est, ut litterae α multo minor valor concilietur.

11. Quod si ergo optima bilanx adhuc 5000^{mas} partem totius ponderis indicare valeat, necesse est in Manometro valor ipsius α minor sit quam $\frac{1}{10}$, hoc est, ut pondus totius globi decies sit quam pondus aequalis voluminis aquae, id quod utique obtineri posse videtur, atque si levior globus effici posset, Manometrum ad majorem perfectionis gradum perducî posset. Hinc imprimis erit examinandum ex quam materia nostrum globum parari conveniat, ubi quidem longe praeferrandum videtur. Etsi enim ligno et charta leviores hujusmodi globi confici possunt, quia humiditatem aëris contraherent penitus sunt rejiciendi. Tum vero metalla non ob majorem gravitatem hinc excludi debent, sed etiam quia pro diversis caloris gradibus mutationem subire solent quam vitrum.

12. Consideremus igitur globum ex vitro paratum, cujus cavitatis radius sit $= r$, crassities crustae vitreae ambientis $= s$, ita ut totius globi radius sit $r + s$, cujus ergo cubo volumen proportionale, volumen vero crustae vitreae erit ut $(r + s)^3 - r^3$; unde si gravitas vitri fuerit

ad gravitatem aquae ut m ad 1, neglecto pondere aëris inclusi erit pondus globi m dum pondus aequalis cubi aquae est $(r+s)^3$, unde deducitur:

$$\alpha = m \left(1 - \frac{r^3}{(r+s)^3} \right).$$

Est autem circiter $m = \frac{1}{4}$.

§ 13. Valor igitur hujus formulae inprimis pendet a ratione inter litteras r et s , quae si constans, valor quoque ipsius α esset constans, ideoque globus quantumvis parvus idem esset staturus; at vero per experientiam satis constat augendo radium globi r non necesse esse, sicuti in eadem ratione augeatur. Quin etiam satis tuto assumere licebit, sufficere si modo ratione sub duplicata increseat, sicque assumere poterimus, $s = \sqrt{ar}$. Hinc ergo, si pro globo cuius radius unius pedis crassities vitri unius lineae seu quasi partis 150^{ae} pedis sufficientem firmittatem praestet, erit $a =$ parti 22500^{ae} pedis sumto scilicet pede pro mensura magnitudinum. Cum s prae r sit valde parvum, erit proxime:

$$\frac{r^3}{(r+s)^3} = \left(1 + \frac{s}{r} \right)^{-3} = 1 - \frac{3s}{r}, \text{ ex quo fiet } \alpha = \frac{3ms}{r} = 3m\sqrt{\frac{a}{r}}, \text{ existente } a = \frac{15^3}{22500}$$

unde pro variis globi magnitudinibus valores litterae α facile assignare licebit. Ita:

$$\text{Si } r = 1 \text{ ped. erit } \alpha = 0,0200 . m$$

$$\text{» } r = \frac{1}{2}, \text{ » » } \alpha = 0,0283 . m$$

$$\text{» } r = \frac{1}{3}, \text{ » » } \alpha = 0,0346 . m$$

$$\text{» } r = \frac{1}{4}, \text{ » » } \alpha = 0,0400 . m.$$

§ 14. Facile autem intelligitur, hos numeros ingentem latitudinem admittere, cum assumpta $s = \frac{1}{150}$ pro $r = 1$ in praxi modo aliquanto major modo minor admitti queat, unde superfluum foret, valorem ipsius m auxie inquirere, qui ergo si sumatur $= 2\frac{1}{2}$ pro radio $r = 1$ ped. foret α circiter $\frac{1}{20}$, unde colligitur $\frac{p}{P} = \frac{1}{2800}$, quod bilances facile indicare possunt. Sin autem radius sphaerae fuerit tantum 6 pollicum erit $\alpha = \frac{7}{100}$ et $\frac{p}{P} = \frac{1}{3920}$. Deinde pro radio $r = \frac{1}{2}$ ped. fiet $\alpha = \frac{1}{10}$ et $\frac{p}{P} = \frac{1}{5600}$, unde patet, si modo radius sphaerae superet 3 pollices, bilancem ordinariam satis tuto mutationes illas exiguas quas requirimus in densitate aëris, indicare posse. Interim tamen plurimum expediet globos hujusmodi vitreos majores adhibere, simulque bilances ad majorem perfectionis gradum evehere, ut etiam minores mutationes in aëris densitate satis distincte monstrare valeant.

§ 15. Consideremus nunc libram, cujus ope exiguas istas variationes in densitate aëris cognoscere liceat, sitque EF (Fig. 242.) jugum in statu aequilibræ, ubi situm horizontalem tenebitur, cujus medium sit punctum O , E et F autem puncta suspensionis, in quorum altero E appensus sit globus vitreus A , in altero vero F pondus aequilibrans P . Ad jugum in O normaliter ducta sit recta NH , cujus punctum C sit centrum circa quod jugum est mobile, punctum G vero centrum gravitatis ipsius jugi, recta autem OH examen seu linguam repraesentat. Vocemus nunc $OE = OF = a$

$OC = c$ et $OG = g$; tum vero pondus ipsius jugi sit II , et quoniam hic imprimis cavendum est, ne jugum ab appensis ponderibus incurvetur, hoc obtinebitur, si ipsi circa medium majoris MN tribuatur.

§ 16. Ponamus nunc certo tempore, quo densitas aëris pro cognita assumitur, scilicet $= \delta$, libram aquae unitate designando, appensione ponderis P libram in aequilibrium esse reductam, evidens est, si pondus P aequali volumine constaret, quo globus vitreus, cujus volumen indicatur a A tum libram perpetuo in aequilibrio esse mansuram eatenus ergo tantum mutationes indicabit quatenus pondus P sub minore volumine continetur unde consultum erit, pondus P ex quavis materia, veluti plumbo, conficere. Sit igitur B volumen ponderis, atque libra concipiamus in spatio aëre vacuum transferri, ubi pondus globi augmentum accipiet $= \delta A$, pondus P tantum augmentum δB , sicque nunc discrimen inter ambo pondera erit $\delta(A - B)$; unde turbationem aequilibrum a mutatione densitatis aëris oriundam referendam esse, non ad volumen A , sed ad ejus excessum super volumine ponderis P .

§ 17. Ponamus nunc, alio tempore, quo densitas aëris facta est $= \delta + \varphi$ libram in statum inclinatum, quem (Fig. 243.) repraesentat, esse perductam quo pondus globi tantum est $P - p$, inclinationem esse $EOe = FOf = \omega$, sub quo angulo etiam recta GOC ad situm verticalem inclinabitur, quem ergo angulum, ex densitatis mutatione φ ortum, investigemus. Quare cum in hoc statu inclinatum aequilibrium etiam nunc subsistat, necesse est, ut momenta respectu centri C utrinque sint aequalia. Nunc igitur momentum globi A , ob $OE = a$ et angulum $EOe = \omega$, erit $(P - p)(a \cos \omega + c \sin \omega)$; ipsum vero pondus jugi II in centro gravitatis G collectum momentum in eandem partem generabit $II(c + g) \sin \omega$. Ex altera autem parte pondus P momentum habebit $P(c \cos \omega - c \sin \omega)$, quibus duobus momentis inter se aequatis oriatur haec aequatione:

$$(2cP - cp + (c + g) II) \sin \omega - ap \cos \omega = 0.$$

Ubi scilicet diminutionem ipsius ponderis P jam in pondusculo p complectimur, quia diminutio ponderis p refertur ad differentiam voluminum $A - B$.

§ 18. Ex hac jam aequatione ipsa inclinatio ω innotescit, cum sit:

$$\text{tang } \omega = \frac{ap}{2cP - cp + (c + g) II}$$

Ubi ergo ipsi p est proportionalis, atque ut pro minimo valore ipsius p angulus ω adhuc prodeat notabilis magnitudinis, intervalla c et g facile ita assumi possunt, ut denominator quantumvis fiat minimus, posset quidem adeo ad nihilum redigi, tum vero aequilibrium librae non amplius esset stabile sed a minimo praepondio penitus subverteretur, id quod multo magis eveniret, si denominator adeo valorem obtineret negativum.

§ 19. Omnino igitur in id est incumbendum, ut denominatori valor positivus, attamen satis minus concilietur, ut pondusculo p tanta inclinatio respondeat, quantam desideramus; quem in casu maxime conveniret intervallum $OC = c$ ad nihilum redigi, ita ut centrum motus C in ipsam lineam EF , per puncta suspensionis ducta, incideret, quo ergo casu foret $\text{tang } \omega = \frac{ap}{gII}$. Cum autem

talis constructio in praxi aegre obtineri queat, consultum erit, in directione HOG (Fig. 22) ope cochleae mobile applicare cujus ope centrum gravitatis G , sive elevari sive deprimi queat.

§ 20. Cum igitur supra invenerimus $\varphi = \frac{p(a-\delta)}{P}$ si instrumentum, ita paretur, ut ex observatione inclinatione ω pondusculum p accurate definiri possit, inde simul mutatio in densitate aëris facta φ innotescet, hocque tempore aëris densitas erit $\delta + \varphi$.

§ 21. Eadem conclusio etiam alio modo obtineri potest, ita ut non opus sit inclinationem librae observare. Turbato enim aequilibrio, si id restituatur dum ex altera parte exiguum pondusculum additur, ex quo deinceps pondusculum p haud difficulter concludi poterit si tantum quoad casu effectus dati pondusculi adjecti fuerit exploratus. Si enim initio, quo libra fuerit ponderi P addatur datum pondusculum π , atque inclinatio inde orta mensuretur, quoniam inclinationum pondusculis sunt proportionales, totum negotium haud difficulter expediri poterit adeo tabula supputare, quae pro quavis librae inclinatione mutationem in densitate aëris indicet.

§ 22. Ceterum cum librae consuetae sint super apice quodam mobiles, cujusmodi structurae semper cum quapiam frictione est conjuncta, ejus loco fortasse cum optimo successu jugum cylindricum plane horizontali incumbentem mobile reddi potest, qualis structura olim in fabricatione acus magneticae inclinoriae est adhibita, ubi minimae variationes nulla frictione impediuntur, autem structuram sollertiae Artificis relinqui oportet.